

張文襄公詩集

張文襄公全集卷二百二十七

詩集四

正月初二日同楊叔嶠登樓望餘雪

自醜銀旛白髮人晴光喜見照城闔山通佳氣猶明雪
江汎柔波已漾春冠佩漸勞知老至羽書方急愧年新
湖南華容會匪蠢動今日發兵往捕憫牛誰誦河東賦清嘯南樓恐不倫

易寶甫以司馬溫公殘帖硯見贈乃溫公與其姪九

承議手札後半段其眉亦缺數字就殘石作硯葉
東卿故物翁覃溪刻字題爲斷碑硯誤上有元吾
子行印及昌齡印昌齡滿洲人乾隆時官學士多

藏舊槧本書余每見之印朱文曰長白敷槎氏李
南澗日記載其人疑此爲昌齡所刻諸家真蹟法
帖不詳帖何名又不知真蹟在何所此其半石也

介甫書顛狂子瞻書豪縱穆穆司馬公落墨必謹重邪
異賢亦殊朝局成一閨宵磨黨碑名倖掠花石貢貴賤
在公道殘帖今傳誦遺書問九郎無異鵠驚諷忽憶停

雲帖書勢相伯仲

文氏停雲館帖有溫公與潞公札

結體取寬平挫筆

少縱送固知任誠慤或少智術控轡王已過厚任蔡良
可痛獨惜通鑑藁細書失充棟此石僅八寸其價璆璧
其幸免倭人污壺盧未押縫易生性忼慨如石充僧供

劫墨謹洗滌廉梭戒磨礪作我方正友泚筆豈敢弄嗟

哉六月相昊天不祚宋紹述肆詆誣天怒神怨恫

釋言恫痛

也是卽痛字政荒相若鬼敵喜國如夢居洛十八載伏如雞

處甕有園甚荒率忘機到僕從花藥助讀書獨樂不與

眾我意獨慕此守墨甘無用點易滴新泉石田春可種

誰能考鳳墅抱殘誇博綜

宋曾宏父刻鳳墅帖皆賢臣端士書今止存數卷在歸安

姚氏有鳳墅殘帖考

焦山觀寶竹坡侍郎留帶三首

玉局開先繼石淙竹坡遊戲作雷同大廷今日求忠諫

魏笏終當納禁中

同姓懷忠楚屈原
湘潭搖落冷蘭蓀
詩魂長憶江南路
老臥修門是主恩

故人宿草已三秋
江漢孤臣亦白頭
我有傾河注海淚
頑山無語送寒流

蜀葵花歌

蘭論畹蕙論畝荷華菡萏澤陂有看花
滿眼意始快艱苦驕矜何足取世俗貴耳鬪奢華
洛花道好蜀花醜十千一窠且難得不賞園林賞罍缶
可憐光采弄頃刻愁陽愁雨勞邏守田間野客愛蜀葵
謂是易生兼耐久娟若芙蓉鬪秋霜直如泉麻出蓬莠
爛然千朵應時發冀

慨豈出園奴手美錦難比縑利用河豚豈如鯉適口廣
庭廓落無雕飾蘿薜挂牆一尺厚花光噴溢充虛堂最
好旭初及雨後我欲表微張此花爲集嘉客傾美酒此
花雖賤君子貴君子爲誰司馬君實號迂叟

溫公蜀葵
詩白若繪

初斷紅如顏欲酡坐疑仙駕儼幢節紛駢羅物性
有常好人情輕所多菖蒲儻日秀棄擲不吾過

吳清卿罷湘撫歸蘇州過金陵出示王翬畫石湖

圖卷題句

飛霰凝寒黯石頭故人東下放扁舟眼花睡少曾何補
浩蕩江湖送魏牟

正月十七日發金陵夕至牛渚

丙申年

牛渚春波淺漲時武昌官柳已成絲東來溫嶠曾無效
西上陶桓抑可知

登采石磯

磯上有太白樓彭剛直楊
勇愨長江提督李成謀祠

艱難溫嶠東征地慷慨虞公北拒時衣帶一江今涸盡
祠堂諸將竟何之眾賓同灑神州淚尊酒重哦夜泊詩
霜鬢當風忘卻冷危闌烟柳夕陽遲

過蕪湖贈袁兵備昶

爲政有道道有根佳人讀書袁使君九流擣齏仍擺落
收拾併入不二門羅城千公三間屋民隱不隔當關闥
東頭圖書西筦庫中有湛寂心君尊我鎮金陵強一載

蔣山蘿薜何曾捫老牛困鞭思脫紉經義就子同尋溫
春雲壓江雨意遠泥淖洗韞胥徒奔南望赭山隔煙霧
北瞰于湖新波渾燕語亦足抵游覽芻飯滂沛傾深樽
談詩看畫軸篆刻十不盡一晷侵昏過江名士均在坐
此會此樂悅心魂胡爲欲理嚴瀨釣儒效未竭安酬恩
黃山幸在君管內來遊何日常思存賓從豪盛自詫王
元美東道殷勤還望汪道昆

小孤山

霧髻峩嵒插鏡空山容孤與客心同明波自惜青青影
不逐淘沙走向東

石鐘山拜水師昭忠祠並祠前閣坐芸芍堂

一本無坐

芸芍堂有並

祠前閣四字

南疆水戰兩奇蹤赤壁東來數石鐘
千里江湖成竹破一時賢俊等風從
靈旗月閃驚栖鵲暑空波鳴起睡龍
太傅功名誰不贊服公勝算在從容

江行望廬山

先約陳伯潛同遊
陳不到遊亦輟

朝見廬山臨江濤青翠騰躍來迎人
暮見廬山忽杳靄首尾隱若龍登雲
從來倔强五嶽外彭蠡作杯江爲帶
內蓄百澗包靈奇外切太虛定澎湃
江表名山數第一儼若大賢兼通介
尋幽有約近十年瘵渴須酌康王泉

學道未成遊未遂誰令恩遽妨蕭閒思得素心共山水
海客狎鷗呼不起蒼蒼五老笑我忙高檣長風送旗尾
山林聚會尙阻格世事難爲可知矣人愛廬山高歐公廬山高長
歌一篇我愛廬山深欲到深處須抽簪世無慧遠堪結
社且聽東林鐘磬音

九江南岸西上二十餘里新柳縣延相屬

潯陽江上柳娉娉遮斷琵琶送客亭秋樹年年能再綠
行人雪鬢不重青

九曲亭三首

余同治戊辰提學湖北來遊西山見亭已圯出錢造之今廿八年矣

華顛文武兩無成羞見江山照旆旌祇合巖栖陪老衲

石樓橫榻聽松聲

矜此勞人作少留卻煩冠蓋滿汀洲隔江欲喚楊夫子

載酒攜書伴我遊

黃州教授楊君守敬博雅多藏古書

坡公選地挾山靈奧曠雙奇會此亭日落江光都轉白
春來谷氣盡含青

寒溪寺觀陶桓公手植桂

上造樊山頂江湖相排盪下窮寒溪曲暮色已莽蒼同

遊無懦夫決履猶策杖陋哉伏守詩徒羨讌樂廣磐石

避雄劍此意最惆儻舊遊如在目影堂

一作鑲方丈余影書

辰過此寺有詩僧住持但化已久

彈指去來今泊泊天運往神護千歲

桂飄香高可仰前賢殖嘉樹後賢題祠勝胡文忠勝書長沙之勳

一楚橫天下古今陶胡兩訪古愜幽寤傷時轉慨慷物

存山自馨人去吾安放

贈日本長岡護美三首

爾雅東方號太平同文宏願蓋環瀛君為同文會副會長來滬創設同文

書院集東方學人講求會通中西之學荆州課武慙陶侃齊國多艱感晏

嬰止有合縱紓急劫故知通道勝要盟此皆席間所談衛多君

子吾何敢愧此朋簪惓惓情君來武昌此間勝流多與款洽

往代儒宗判南北方今學派別東西九流宗聖皆容納

巨海稽天賴指迷同文書院章程除專門之學外人人皆須習五經四書更續考

文研孟子兼資鏡古訪吾妻楚材晉用前聞在定有羣英佐取攜

劍佩詩囊萬里遊知君家世古諸侯君家世為熊本侯君自以勳勞封子

爵羞歌敕勒矜蒼莽愛寫麻源鑿險幽君詩集中多遊覽山水之作鏡

刻幽宵類謝康樂柳柳州對酒人懷鸚鵡賦拂箋雲帶鳳麟洲他年

臥看扶桑日猶憶江磯月滿樓

入對恭紀案此下公自題曰朝天集

罪已親聞吐玉音孤臣惟有涕霑襟慈聖面諭之言挹損誠懇過於禹湯

聞者悚惶無地久因郊壘慙旌節屢被恩波入禁林問答自書

千載遇高寒天鑒一生心溫諭渥賞不能盡述藥括興胡銓蘇軾事以紀殊恩

元尊號曆三表豈待重陳在莒箴

六月十五日羣臣請徽號峻拒不許

中興

流轉江湖鬢已皤重來闕下撫銅駝故人第宅招魂祭
勝地林亭掩淚過前席頗憐非少壯小忠猶得效蹉跎
神靈今有中興主準擬浯溪石再磨

慈仁寺雙松猶存往觀有作

千步廊前車如織歸來中滿不能食無聊欲共草木語
城南雙松上胸臆琳宮百堵無片瓦遠見精光出草棘
偉哉衣冠綺與黃曾覩秦火三月熄龍鱗如掌醜愈妍
返照在頂晃黝碧崇效僧圖遭掠賣長春九蓮難踪跡

此寺瓷像亦俄空佛救不得憑誰力訪舊多爲遊岱魂
求如汝壽那可得同遊俱是感慨人藉草相看到曠黑
往年妖亂等一夢錦庫成灰銅仙泣遺此區區老禿樹
豈足增壯帝京色雖不中用亦復佳左傳杜注無能爲
役猶言不中用
留與後來阮亭望溪弄筆墨方望溪王虛舟屢看封氏
圖松畫爲長卷方有記王
有跋今在
琉璃廠

攜酒再遊南河泊邀茗樓同賦

香山九老詩皆七
言六韻此擬其體

零落紅裳聞綠茄茲遊安足復成蛇喧喧車馬嫌韋曲
小小陂渚比若耶草軟時爭野人席衣輕仍著秀才麻
湖心取藕初成岫石上開尊不借窪我效童騃同寇準

君搜奇字勝侯芭孔鸞自與鳬鷺別正看槐街散賀衙
和茗樓南河泊之作卽用九佳韻
江海無能一病骸獨欣藪澤免塵埋早涼樹鵲聲先喜
殘睡漁翁眼乍揩謀野曾無裨謔獲遊車姑學邵雍乖
鑑湖倘荷君恩賜致仕何妨被硬差

西山

西山佳氣自葱葱聞見心情百不同花院無從尋道士
都人何用看衰翁藁街列第崢嶸起前殿南軍顧盼雄
新舊祇今分半坐廟堂端費幹旋功

早朝恭紀

宮禁調和四海安唐賢李泌宋賢韓龍樓間寢烟花好
頓把悲懷變喜歡

新舊

璇宮憂國動霑巾朝士翻爭舊與新門戶都忘薪膽事
調停頭白范純仁

觀諸國公使覲見

先延北使後稱觴憔悴當年宋壽皇說與朝賢休氣餒
國家今日勝錢塘

兩年來各國公使覲見甚頻然尊嚴如禮不干我典禮也兩宮萬壽日皆

至外務部申賀

臥佛寺松

沈沈行殿四株松
仰視摩霄翠蓋重
臺圯池平都改變
鶴歸誰識舊髯龍

國子監拜熙文貞王文敏兩公祠遂觀石鼓

戟門階下綠苔生
鳳翥鸞翔老眼明
人紀未淪文未喪
巋然石鼓兩司成

歌曲

念奴歌曲賀琵琶天寶遺民認不差
父老若狂知有意
自欣凝碧屬唐家

留滯都下日久時有唱酬

李

越縵謝麀伯王

霞舉

袁

漚篠

宿草萋區區風雅亦凌

夷薛能自忖無功業不恥粗官且說詩

李文正故宅

獨樂園中花藥荒思賢重上讀書堂誰編元祐初年事
且喜諸郎尙有康

過琉璃廠

畢董殘衰有吉金陳思書肆亦森森曾聞醉漢稱祥瑞
何況千秋翰墨林

拜寶竹坡墓二首

翰苑猶傳四諫風至尊能納相能容楓林留得愁吟老
長樂疎星獨聽鐘

子政忠言日月光清貧獨少作金方市樓一璣良鄉酒

那得魚頭共此觴

君貧甚官侍郎時余嘗凌晨訪之惟新熟良鄉酒一罍與余對飲更無鮓

菜鹹齏一碟而

已用魯宗道事

拜壽伯符翰林

富墓

賦斷懷沙不可聽宗賢忠憤薄蒼冥荆高燕市耽沈醉
莫使重泉歎獨醒

高粱橋

瓏璵珂馬滿長隄水過高粱更向西月鵲風蟬都解詠
神仙日日聽朝雞

城坊

懲茲殷憂聖主詩桃辛蓼苦國人知淒迷誰補城坊考
但寫門前一絢絲

八月初一日奉德音明年萬壽不許鋪張臣工惟
在盡職毋庸報捐廉俸欽悚恭紀二首

涓埃不及竭心肝懿訓光明戒百官聞道周公稱萬壽
但將王業述艱難

紺髮無霜億萬春九如報上本詩云深宮卻貢非無意
十論還期獻美芹

讀題名錄

猶記麻衣待至公而今瓦礫沒蒿蓬四年重覩天門榜

文采能銘克敵弓

聞西使言永樂大典尙有殘本

麗正初開侍聖皇西園東壁有奎章嚴城文武何曾盡
殘本難尋永樂喪

四月下旬過崇效寺訪牡丹花已殘損

一夜狂風國豔殘東皇應是護持難不堪重讀元興賦
如咽如悲獨自看

龍樹寺

此地曾來一百回荒陂敗紫葦花開當年茶話成今古

誰畫山僧兩秀才

曾與心泉和尚張繩菴學士同遊不
具酒食清談竟日乃遊茲寺第一適

也
意事

龍樹寺西樓

誰種樓西樹幾行此來更比昔年長苦思無限西山好
須待秋林九月霜

小學堂

犯盡龜茲曲調新樂工繙譜每含顰顏家卻勸鮮卑語
學取他年事貴人

讀盛伯熙集

密國文詞冠北燕西亭博雅萬珠船不知有意還無意
遺藁曾無奏一篇

政務處諸公招同樊菽樓按察遊積水潭二首

東省夔龍坐上齊招涼同到後門西舊人惟有樊山老
愁絕僧牆續舊題

對岸喬林付爨烟

水西滙通寺老樹數百株盡爲寺僧所伐

荷花愈少愈堪

憐明知不是滄桑事但惜西涯變稻田

故府

秋梧故府剩荒烟豪士銷沈賦一篇荆棘滿城憐不了
厲人無暇替王憐

極樂寺

萬穗紅雲伐作薪且澆瓜菜作僧珍凌霄無骨高三丈

留待孤行再到人

極樂寺海棠最有名成哲親王題欄
洪北江有詩牌今花已盡惟檐前凌

霄花甚長大
開花百餘朵

屢有旨整頓部務不令假手吏胥曹司均汲汲

講求吏事而清苦殊甚亦鮮閒暇當爲長官所

深念也

勞劇無如畫省郎五更城外踏韓霜六房綱目何年定
且勸三杯厚朴湯

學術

理亂尋源學術乖父讐子劫有由來劉郎不歎多葵麥

祇恨荆榛滿路栽

二十年来都下經學講公羊文章講
龔定菴經濟講王安石皆余出都

後風氣也遂
有今日傷哉

此日足何惜

鶴蓋晨飛到夕曛借驢泥滑更辛勤神州多事光陰少
還望陶公惜寸分近年風氣士大夫多散處城內外有
遠在城東北隅西北隅者凡入直到
署及朋友往還約略
日須奔走三四十里

食陶菜

都官留鯽爲嘉賓作鱠傳方洗洛塵今日街南詢柳嫂
祇緣曾識舊京人陶鳧香宗伯以西湖五柳居烹魚之
法授酒家名曰陶菜今浸失其法矣
柳五嫂乃汴京廚娘
南度後流轉至杭州

哀舊人

北閭南顧祀儒宗大雅尙書繼相公舊者不悲新者笑

朱書祠額在蒿蓬

顧亭林祠祁文端建於慈仁寺內令子文恪復於寺內增設閭祠今均燬

道路

城頭鼓角已平和禁夜都無醉尉呵忽見棄灰妨道路
始知秦法不爲苛

長安

曾見關門畫七賢雪驢風帽晚來寒九天已問囊錢少

從此長安住不難

聞慈聖語樞臣云諸臣多清苦正欲爲之加廉俸豈有令其報效廉俸之

理

題瞿贈公魯青先生自濟圖

二聖榮褒爲一門千官兩府羨殊恩天平功德先公墓

范文正公追福祖先之地名天下功德寺文正祖墓皆在太平山待詔丹青上相孫獨

樂誰知孤憤寓乘桴猶見壯心存橫流君子從來貴述

祖詩篇告後昆

謝康樂述祖德詩橫流賴君子

題瞿太母湯太夫人分鐙課子圖

令伯難忘烏鳥私何如遭遇聖明時清寒燈火吟三鳳
騰躍風雲挺一夔椎髻雅宜偕隱伴絳紗重見授經師
弇山分得題眉墨灑向人間教孝慈

王盧賢母秋鐙課詩圖六首

早作緹縈後乳姑饁耕斷杼一身俱灑將東野三春淚

染作更生列女圖

翦綴鍼停夜漏遲霜檐情味短繁知杜陵驥子應慙羨
祇誦翁詩欠母詩

不愁明鏡朱顏老但恐高堂白髮生此語能教眞宰泣

掃除風格與才情

焦尾閣遺稿有句云浮生四十年兩度干戈擾生恐憂患多朱顏不自保

回首望高堂
悽然已垂老

質庶能貧少詠篇九熊終是太平年鄜州看月都含淚

貞苦何人似母賢

夢隨寶墨落江湖孝至神通信不誣何異壽昌重見母

豈惟合浦得還珠

先朝錢老近瞿公世澤天題動九重

錢香樹尙書母南樓老人畫圖高

廟賜題今瞿子玖尙書祖母分欲補一行黃絹字祝君

八座紫泥封

遊陶然亭

當年葦海萬弓遙
旱久青青未沒腰
淺水蛙生波少態
蕪田牛病莠方驕
看山終礙橫城闕
有屋猶應勝黑窯
曾是千場觴詠地
酒邊腹痛頓思橋

八月再遊積水潭

新涼城北勝城南
遠有山光近有潭
擬共漁郎分枕席
喜無門校促駢驂

肅邸新章前門不閉

蓼花新雁杜荀鶴秋柳栖

鵬紀阿男袞袞貴遊誰會得都來收拾與詩龕

王鞞甫沈同叔新葺寄園西樓成同人集於樓上
看西山限雙聲格

晚望巖阿霧外岼嵬我未礙嫵蛾彎偶哦款乃鶻襖忘
無味葦岸翺鷗謂我頑

登天甯寺樓

過闕當行復暫留數將新綠到深秋貪看野色時停騎
坐盡斜陽尙倚樓霜菊如人支歲晚西山似夢隔前遊
廊僧亦有蒼茫感何況當筵盡勝流

九日 慈聖賜起酥花糕蒸食花糕內饌水角共十

四合又北羊一口醬菜十簍攜與同遊諸客共
之以廣上恩賦詩恭紀

野服攜童出禁闔宮壺雨露下丹宸客中久欲忘佳節
天上何由憶具臣分惠幸多倉卒客衰年難乞自由身
北風方勁驚蓬起試問如何報露塵

白日一首示樊山

又到山寒木瘦時黃雞白日去如馳詩才已爲塵勞盡
霜鬢空教海內知送遠添愁身是客解憂無效酒停巵
夢爭王室煩驚醒樗馬依牆齟齬其

不朽堂夜集送樊山按察分得咸韻

我惜嘉謨去殿巖人言遺愛在峭面
劫餘長句頻煩和愁裏深盃竟夜銜
且倚湖山供判牘好留塵土檢朝衫
時危祇在同心事豈在南鴻寄寸緘

用咸韻呈同坐諸君

文飲何須立史監虛堂霜月鬪清嚴
滿階菊影成幽獨三尺松栽已不凡
老作幸民愁論事新名聲叟自題衙
諸公才韻如鋒發杞國應憂造物剗

癸卯入都讀王文敏公

懿榮

絕筆一紙慷慨從容

敬仰悲歎非言所罄賦詩述哀

勁木少繁卉節士罕多文試數羣
雅材恆以智包身冊

年閱館閣博古無如君遠諍翁

潭溪

阮文達

吳荷屋近

籠劉

燕庭

李竹朋

陳壽卿

書爲九州霸行筆來風雲洪

纖夷險等窅然齊鵬鯢當其入集賢恩禮冠同羣首錄
大寶箴筆諫陳義純盡發天祿祕一一別圭珉臣學信
已飭知己逢至尊金鑾賜對數密記不得聞多箭報銀
虬歸輦猶逡巡在公豈恤私大宅割與鄰舉朝昏不學
聽妖如聽神五斗踞朱邸六甲塞禁闔袞袞狂且醉翹
足策殊勳讀君貽予書赫蹄墨猶新上言韓賈繆編虎
殃君民下言素志定掘井如廣輪身爲國子師臣道自
我存詐窮到潰決天脫青城屯留守諸貴人棄職爭西

奔君獨屹不去闔門從靈均楚毒備三死所求臣志伸

絕筆卅八字刼燄不敢焚近代文且節鹿床

戴文節公熙差

比倫回憶交君時洒落驚眾賓嬉笑出坦率不畏一世
嗔雖罵無他腸人亦諒其真真僞有時見須待疾風晨
韓祠分一席模楷俱千春侈哉淡生堂掠賣隨烟塵市
上見朱記璆璧輪其珍我知浩然氣豈念屬玉分有兒
豐雋才不憂衰此門的的虎賁肖對之輒霑中照影俯
寒碧常見貞苦臣

讀史四首

李龜年

散序霓裳出月宮
重逢岐薛按秋風
漢官不獨威儀在
猶有梨園舊樂工

蔡攸

緇衣堂上壽甌香
父子同朝荷寵光
盜起盟寒都不問
護持學究祀舒王

張天覺

元祐多賢號泰交
不應黨論自紛淆
無心佛祖從呵罵
祇爲遮頭一把茅

張孝祥

射策高科命意差
金盃勸酒顫宮花
斜陽煙柳傷心後

僅得詞場一作家

紀恩詩十五首

藹藹蒼松伴紫芝
弇眉妙墨出瑤池
朽株新被祥風拂

一夕青回兩鬢絲

召對次日慈聖賜御筆畫扇上畫青松紫芝

日日侏儒飽大官
書生洗盡粥齋寒
君榮弟信心空壯

恐有詩人刺素餐

連日賜內饌

敢道漚沲麥飯香
臣慙倉卒帝難忘
艱難險阻親嘗到

天使他年晉國強

述西幸在陝時湖北貢品豐足濟用

水際花間響玉珂
免教星履上蠻坡
時艱不盡馳驅感

韋叡猶能效伏波

賜紫禁城騎馬西苑門騎馬

國勢須憑傑士扶大科非比選鴻儒阮文兆武吾何敢

忠孝專求鄭毅夫

派兩次閱特科卷

文字編排秘殿深緋桃青李出瓊林華門不比新昌里

頓長庭前幾樹陰

在園時命中官賜桃李各一盤告以係御園所產

珍藥饒甜共拜嘉龍團徧賜壑源茶猶嫌不是金莖露

御選傾筐素葉瓜

一日賜內饌瓜果慈聖閱之謂瓜不美更命健步入城買三白瓜四擔爲

賜

擊汰蓮漪到日晡對鷗仙館勝西湖煙波本是寒家事

準勅容臣作釣徒

賜遊頤和園乘舟遊覽命至對鷗館憩息

百級珍臺竦碧虛乘輿內苑外臣無自慙不是溫申輩

許上蓬萊更給扶

命入排雲殿覽觀賜乘椅轎入內以小黄門昇之

黼袞裳華錫賚重美珠又見賜黃封曾無寇準供論薦

中使前頭有忤容

疊次綢緞蟒服外賜珊瑚朝珠一挂

天語傳來寵若驚遠勝四裔道虛名衰庸李揆成何事

孤負丹青定品評

慈聖召見樊按察增祥於洞有李揆之褒

水調江城閱幾秋今宵對酒傍瓊樓人間天上知誰勝

難替東坡決去留

中秋節賜衣料月餅蘋果與他內膳初八十三十五共賞三次

佛粥分香甫浹辰韭黃生菜賣新春

用宋真宗語

今年已是

匆匆過虛踏長安九陌塵

十二月初八日賜臘八粥二日立春賜春餅內饌及生

種菜七

牢落蓬門聖藻光一旬三賜驛塵忙陳庭車服呼兒輩

此是荀邕勸學章

余十二月廿二日出都廿七日到南皮廿三日由直隸督臣發下江綢四

卷貂皮八箇廿六日由直隸督臣發下慈聖御筆融和二字一直幅福壽字各一方廿八日由兵部遞到

御筆福字一方

欲報慈恩似海深窮鄉安得校如林二疏饗養江村陋

酒食園亭耗賜金

陸辭時慈聖賞銀五千兩旋里後以此金並益以積俸造慈恩學堂教

合族子弟

再贈樊山仍用咸韻

雄峻廉車勝郡監定將蘇白洗朱嚴滿朝公論推文藻
百日清遊任履衫惜別出城常襍被乘風渡海看張帆

題詩縱愛西湖好興也箋云子細茭

遊蘇門山四首

百泉

衛多君子淇多竹最是百泉宜隱居中有游鯈長尺半
始知人樂不如魚

拜孫夏峰徵君祠

庭下琅玕三丈長霜筠常護歲寒堂中年廢學慚湯耿
垂老猶思炳燭光

坐泉上東亭

圓荷尖菱媚檻泉波光滉漾月初弦一宵清靜千金價

滌盡塵勞二十年

登孫登嘯臺

入山都道太行深長嘯荒臺尙可尋谷路今朝開子午

最憐絕響鳳鸞音

英義兩國設福公司采澤潞煤鐵下太行至衛輝鐵路已興工

王樓營見杏花新柳是日濟河微雨

營黃河二十里

行盡幽州一千里稍見冰谷通流水太行隨我向南行
漸有煙霏含青紫王樓營外三家邨潑眼春光百鳥喜
柳葉作態杏花驕人馬風沙一時洗我載沈疴逐鋒車
頓覺融暢入筋髓枝裊驚黃已蔽腰蒂融絳蠟齊破蕊
乃知草木亦如人寐者方酣覺者起自由天氣有通閤

不緣土膏獨肥美麥溝四徹如引繩披拂蠕蠕將盈咫
濟河正逢好雨作餅香飯熟都準擬三輔疲忙何時蘇
北望攢眉輟筋七直隸北五府苦旱已一年矣

吳氏寂園

在復成倉

皖人吳學廉所營

案此下

節不暇遊觀甲辰春奉命來與江督議事公事無多又不能速去日日出遊以謝客

厥初一瓜廬蕞爾青溪邊十年三過門附益成名園有
水可濯纓况兼遠與偏堂後挺高竹粗如夏屋椽鍾山
翔且舞來住几案間貪夫多媚嫉履迹如慕羶會見千
朱薨蔽岸成喧闐及此眾未奪日弄清且漣

薛廬

在烏龍潭上

昔為全椒薛慰農院長所居今為薛祠潭即顏魯公放生池也今有魯公祠

人愛顏魯公池古澤不竭天憐薛夫子分此地幽絕閉
山籬門內貯水臥榻側貧士生巧思一壑遂專得吟詩
構杜堂問宇比揚宅雖無五松雅猶勝倉山熱路荒花
竹闕家索藩牆缺溪亭徒兀兀無梁不可涉影前自炷
香悽然懷抱別常恐嘯詠事後起遂銷歇

元武湖

滄海日以東江湖日以遠城頭紫氣盡城下白波淺龍
子去荒洲春深荻芽短逶迤隨崇埔縱橫抱疊嶺樂游
與青溪自笑蹉跎徧勝國一紙堆明藏天下黃今日萬
家產賢侯勲業多豈暇計緒冊於元武湖閒鷗樂藪澤白舫洗心

眼欲使清虛露先將荒穢剪汙萊
畀農漁蒲荷兼游衍
利害隨時生陳迹不相踐
葦間貪延緣浦口暗西崦

莫愁湖

蕭衍黠老公豔體託麗人製爲莫愁曲
歌者頗生津遂
令石城水曼膩嬌千春將柳作腰支
以山當眉顰六代
迄宏光海枯湖不涸顛倒滿城客
彷彿遊洛濱可歎遊
觀末亦罕眞賞存了無川嶼媚
一勺安足珍白雨忽飛
灑水草生精神明鏡頓如拭
一洗金粉塵

雨花臺泉

不見報恩塔猶見雨花臺
信知象教力帝王不能摧
灑

此一清涼救彼羣昏癰一嗽肺肝平再嚙神識開此邦
苦爨汲流惡孰決排安有脂粉膩時見糞草偕疹癰固
由此並使風俗卑汲汲安吳翁陳義通江淮符調忍獨
清見泥志勿衰

胡氏愚圖

有六朝石宋人題字曰劉季高甫徘徊其旁紹興丙申十月乙亥十六字

甲第什伯區充塞冶城中云是大將家一堂役萬工土
木朱紫衣歌舞玻璃鍾佳哉婺源叟獨以園池雄浩渺
起鷗鷺心落滄洲空撫此徘徊石頓思相賞松池東有
礪壑畫意參荆礪池西多嘉實霜餘綴青紅我來值冷
落掃除驚兒童無人亭黯敞不翦花蒙茸獨有賞會處

不與眾人同

青溪

劉江諸大宅一礎不可尋遺此衣帶水穠華變清深稍
稍種桃柳寡薄無繁陰聊借三人航寫我五湖心燥吻
甘止酒茗碗自酌斟清曠人語絕時逢禪叢林煙際聞
相呼三兩歸暝禽何必牛渚月已足愜素襟得享一舸
閒勝擁千鎰金

羊氏巷某氏園

園主人某太守方自滬赴
都謀攬造川漢鐵路事

逢花輒停車有竹便叩門古來達士遊何用具主賓倦
遊老太守酣眠看朝曦楚楚一畝宮蕩蕩十畝園訪戴

不見戴所見荷葉繁繁馬槿籬下移床苔石根籬鳬白
依母斤竹高避孫市聲屏不至坊巷同邱樊似聞遊嶽
叟浮海踏京塵樹間黃栗留向我如有言客何多閒情
主何不憚煩煩者有至樂旁人不得聞閒者有至苦寫
我憂如焚

謝公墩

謝傳功再造轉憂爲臣難桓箏急且哀一坐皆汎濶詠
詩效洛生擁鼻仍儒酸山澤自本性亦以免憂患豈意
芟憩地千載爲公專後枕鍾阜樹前流北郭泉僻有鹿
跡雜靜聞田水喧景物甚寥寂自取碩人寬寄興在象

外一拳同東山來爭無味名猶是介甫賢何人惜古意
築室加藩援善保此部婁勿使犁爲田

雞鳴寺

余以金施寺僧闢寺後經堂爲樓盡
伐牆外雜樹遂爲金陵諸寺之冠

雨暗覆舟山泉響雞鳴埭埭流南朝水僧住南朝寺當
時造宮城選此陵阿地朝市皆下臨江山充環衛白門
遊冶子杳拖無生氣心醉秦淮南不踏鍾山背一朝闢
僧樓雄秀發其秘城外湖皓白湖外山蒼翠南岸山如
馬飲江駐鞍轡北岸山如屏縈青與天際鷺洲沙出沒
浦口塔標識煙中萬樓臺渺若蟻垤細素有杜老憂今
朝豁蒙蔽

瞻園

本徐中山園今在布政司署

去年入瞻園水涸不盈尺殘梅如病跄步步生草棘山
林有重遊相隔幾何日攢蹙寸楮畫展作尋丈壁充悅
盎百卉苔潤新陰碧邱壑涌奇詭尋路忘曾歷虛堂久
扁鐫一旦波照席佳處添茅茨愛之坐忘夕屋烏與儲
胥非關好惡辟物態由抉發兼遇興會集傳舍慎勿譏
滄桑祇過隙不哀大功頽豈代青君惜達哉張全義不
理平泉石主人觀靜妙開縣李雨亭官布政使時題曰靜妙堂俯仰掃陳
迹

翠微亭

卽南唐暑風亭

明光曳地來長如一匹練不登石頭城幾疑天塹誕邱
垓齊斂避形勢頓涌現是日積雨晴千里無陰闇夕陽
生金采青綠染郊甸尺樹藏百村片嵐連數縣南北交
映發不爲洲渚閒姑熟及朱方左右一顧盼保大雖孱
王此亭江表冠涼風掃盛暑夜夜金輿玩霸圖偶起滅
山川長絢爛窮蛙食井泥安有超世見欲攬大瀛環凌
虛思羽翰江神傲河伯醯雞兩足歎遠略我所乏老朽
頗自厭登高或能賦含毫窮汗漫

燕子磯

洶洶黃天蕩空曠如巨池舟行無幟志遠指江干磯鐵

骨蒙苔蘚舒翼昂領頤翩然來下浴斗入青琉璃南北

此要津日有千帆飛喜其無障礙登者輒賦詩豈知白

鷺洲駸駸能東移水道多改變迴異梁陳隋伐荻如伐

木取兗州軍資青青雖可悅大觀爲蔽虧蕃舶延尻輪

外水晝夜馳內水頓淺狹竹塢連秧畦陽俟逞靈怪沙

禽眠不知昔傳裴司空水神此地尸裴文達爲燕子磯水神今祠內木主

尙存巖巖臨溝澮威福將安施旣失搏水險遂減翔風奇

利害互相因世事常如斯趫然來好事路壞亭孤危仰

讀設險句感歎南巡碑磯上乾隆御題詩有設險語俯瞰鹽舸商誰

解題好辭此草屨夾內夾江惟鹽船行之行旅皆乘輪矣暝雲送客散滿山嘒

畫眉

磯下多畫眉皆巢石罅內

魏都部光燾招集適園賦贈胡彥孫糧儲

園在糧道署湯

園金陵賈人湯某作今歸義州李光瑜張園皖人張士珩所居湯園以多魚名張園以多竹名

湯園九池金尾魚不如張園名竹居竹外靈巖高八尺

不如左轄池畔石佳石貴有水映帶牛馬飲溪各異態

或似穹龜與長魚詩情忽落五嶺外九曜池上曾往遊

此地具體小藥洲

南漢九曜石翁覃溪表章之今在廣東提學署內其他卽南漢藥洲桂

海年年作大浪何人更賞林塘幽江城春盡雨如瀉洗

出秀野勝嬌姘嬾乘藍輿登岡巒且倚禪牀玩圖畫我

看客飲唇不滿余以病止酒

歡雖不足適有餘借問主人何

所適溪堂客散仍讀書

金陵雜詩

兵力無如劉宋強
勵精政事數蕭梁
何因不享百年祚
酖毒山川是建康

叢蘆無主魯公池
斷甃難尋武惠祠
功德無憑憑富貴

山中處處有園基

土人謂布政司園糧道園南至胡園東至張靖逆侯園皆徐中山園址

荒陂野水向西流
朱雀橋邊繫釣舟
莫道南朝無可念
求書今少大航頭

太白南遊意可傷
吳宮泯滅國山荒
雪讒自寫浮雲感
豈爲登臺弔鳳凰

孟老錄中思汴臺達摩山裡鄴城灰世間少有蘭成賦
便覺江南最可哀

宰相荒嬉夜宴闌保儀新拜掌書官春風一半殘桃李
獨有潘郎忍淚看

北橫天塹雪濤吞東擁鍾山翠壁捫堪笑謂之無遺志

賞心偏在水西門

丁謂建賞心亭以懸上賜袁安臥雪圖故址在今水西門

老借瞿瞿作退藏蔣山驢背舊平章惠卿雖敗惇京壽
法乳綿延送靖康

相公開閫帶中樞公子南軒闢敬夫百萬椿錢支破盡

靈虹果有岳韓無

張浚開府建康時張敬夫在保寧寺方丈讀書號其室爲南軒南軒之稱

由此始也

耽隱周雷不可攀
栖霞訪古長卿閒
明賢專翫板橋水
讓與貧僧住攝山

媒翳開場隴麥肥
君王射雉撒重圍
祇今遊戲無生氣
惟見蕃兒獵騎歸

句曲陽明洞裏天
館壇殘刻渺荒烟
挂冠神武真豪傑
不訪三茅已是仙

景宗何如霍去病
慶之無愧張子房
誰道江東詩綺靡
如聞敕勒見牛羊

祕種傳來自海涯
雞雍爲帝亦堪嗟
牡丹芍藥舊王謝

一尺妖紅月季花

雞鳴寺改半山頽永濟荒涼靈谷灰獨喜清涼名實好

贊幽耽僻有誰來

金陵諸寺以清涼寺爲最餘無取

秣陵遊客慣騎驢今日全家挽鹿車拈出維新一公案
請參利病究何如

過張繩菴宅四首

北望鄉關海氣昏大招何日入修門
殯宮春盡棠梨謝

華屋山邱總淚痕

時歿已一年
尙未歸葬

篋中百疏吐虹霓宅元眞世外嬉
劫後何曾銷水火
人間不信有平陂

憑誰江國伴潛夫對舞髯龍入畫圖憐汝支離經六代

此心應爲主人枯

宅有六朝
枯兩株

廿年奇氣伏菰蘆虎豹當關氣勢粗知有衛公精爽在
可能示夢傲令狐

過蕪湖弔袁漚篴四首

七國連兵徑叩關知君卻敵補青天千秋人痛晁家令

能爲君王策萬全

帝王之道必出萬全
晁錯言兵事書中語

民言吳守治無雙士道文翁教此邦白叟青衿各私祭

年年萬淚咽中江

士民祠之於
中江書院

鳬鴈江湖老不材百年世事不勝哀蓋公堂下青青樹

曾見傳杯讀畫來

燕湖道署中樞移用宋人燕湖故事作避舍蓋公堂丙申二月余還武昌

過燕胡樞移留余及幕僚賓客談讌竟日

江西魔派不堪吟
北宋清奇是雅音
雙井半山君一手
傷哉斜日廣陵琴

登臨

登臨秘要待閒身

杜牧之詩景物登臨閒始見願爲閒客此閒行

墨突無黔已

幾春山水有靈應
笑我自疲自樂豈關人

仲弢偕令弟叔容手拓三遊洞山谷歐公題名

賞心無如山水佳
至樂無如兄弟偕
賢兄弟遇奇山水
豈惜踏破雙青鞵
下牢關前人鮓甕
陪翁投荒同氣送

可憐盤險姑留題筆勢荒率轉飛動曩閱圖經心識之
百年陰閼瓊椎稀永嘉二黃儻再世秉炬揭壁窮幽微
仲如鳳皇長苦飢叔如鶯鳥甘卑飛雖勝黨籍亦蕭瑟
得恣幽討恆忘歸六一亦有殘字跡案牘顛倒聊蘇息
大瓢一酌蝦蟇泉定勝汴京飲泥汁諒哉遊緣須天假
嘗聞愚溪慰賢者我宦江湖空白頭遊賞忽忽似走馬
祝汝爲歐勿爲黃夷陵歸來終入政事堂

少年

少年容易擲春華酒量山行歲歲差客髻漸添千縷雪
家園已少五分花

竈姬辭

賢婦三言甫入門得人嗤處祇緣新如何竈下蓬頭姬
不聽登堂勸徙薪

食橄欖

回甘青子出艱難爛熟朱櫻眾喜歡內熱清涼空論定
幾曾同薦赤瑛盤

兔絲

文杏天桃鬪一時天涯芳草襯胭脂兔絲亦厭風霜苦
誰伴青青澗底枝

題周東邨畫隱居圖

黃雞啼午棗花開
狗臥桑陰吠客來
驅狗出門雞上樹
華胥好夢莫驚回

元稹

賈誼多言絳灌傷
舊勳新進敢衡量
最憐輕薄元才子
操縱英雄綠野堂

非荆公詩

大婦鳴環治酒漿
彈箏小婦鬪新妝
爲君辛苦成家計
凍折機絲不怨涼

江上觀魚

綠波風定起微皺
磯畔拋罾待巨鱗
網得固欣空亦喜

喜他江上是閒人

惜春

老去忘情百不思愁眉獨爲惜花時
闌前火急張油幕明日陰晴未可知

六十九歲生日柯遜菴中丞賦詩爲壽慙惶感歎
奉答二首

不辭霜鬢與灰心

裴晉公詩灰心綠忍事霜鬢爲論兵

廟略堅強挽陸沈

雄峻直轅通日月困窮筆路啟山林
醯雞久笑江神劣精衛安知海水深
方悟離鄉莊舄老勞歌已作楚人吟
漢柳成陰三十秋當年賢士與吾遊
早聞天驥行千里

爭使迂生不白頭日下黃墟愴嵇阮舊日門人卓卓者如黃良輝劉國香馮德材潘頤福王萬芳黃源黃嗣翊陳作輔周錫恩楊毓秀張榮澤張士瀛諸人皆下世湖尋畫舫愧蘇歐暖姝自抱薪窮憾今日干城在五洲

中秋大熱月夜與客乘舟至金口

世事攻人如鑽灼那堪秋陽更助虐江斐不吝明珠圓拋向波心尙騰躍救此煩惱一方民清濁眾生同一濯出城已是蟹離甌臨水無殊病得藥靈風肅然樓船高疏布兩重猶可著雙闕突起明鏡裏危石怒與驚湍搏戍樓鼓角遠不聞魚龍晏處歸其壑可憐雪壁如堵牆欲題方悔筆未橐荆蠻和歌退之哀黃州起舞子瞻樂

愚公哀樂兩不挂，幸良宵解束縛了無際。斷放空明，誰爲藪澤誰寥廓。歸舟客醉我獨醒，遙天又警南飛鵲。

中秋夜登大軍山和易實甫

今夜居然小三昧，江風山月短牀支。都無點滓留雲影，暗有新涼透鬢絲。安睡舟魚皆自樂，登高賓佐盡能詩。憑臨軍壘我思古，康熙間提督徐治都咸豐間楚撫胡文忠皆先屯軍於此山遂以克復武昌除卻徐胡更有誰。

送沈乙盦上節赴歐美兩洲二首

海水東迴三萬里，同瞻日月共星辰。飛蓬漸覺風輪急，倚杵方憂劫界新。南北神功矜鑿鑿，東西儀態誚工嫻。

平原賓從儒流少今日天驕識鳳麟

君詩宗派西江傳君學包羅北徼編管內果然擁廬蠡
輶車更欲壓英騫蹉跎拙政慙佳客絢爛秋花鬪別筵
善飯挽強都不敏何勞異國問霜顛

改建賢良祠

祠祀楊清端公宗仁胡文忠公林翼

於祠中設仕學院

書示眾官

二百年來止兩公雲霄並峙表清忠後生多學前賢畏
時局更新大節同盡取擣蒲投巨浪樂觀鼓篋暢儒風
升堂無異臨師保炳燭猶堪策病翁

武學西園四首

秋花本不合時宜況復蠲除茜與脂恰似頽唐蘇玉局

洗將素面鬪天姿

園中白秋海棠白芙蓉黃蜀葵無一紅者

陳氏東莊百桂開此園花過客稀來何人得似支離叟
約伴尋詩賞綠苔

枯荷折芰曲池空砌露宵寒減蕙叢獨有女蘿依託好
綠荆攀棘吐嫣紅

人稱晚達樹冬青園豎編排作翠屏不耐矯揉真性在
故知澗壑勝園亭

九日寶通寺塔登高

喜看天際乍輕陰暫脫塵鞿到二林楓葉未紅欺客老

北鴻初到攬鄉心百年皮骨鹽車淚萬里江湖漆室吟

此塔闕人沙海數豈惟登峴歎銷沈

塔明初建

送梁節菴之官襄陽道

此去提封楚北門幾年江國悴蘭蓀謗書那得湮公道
遠謫終然念至尊健筆凌秋花未晚停杯感世酒無溫
三雍輦下方興學臺省旬周伋異恩

食黃河鯉與易實甫聯句

時河橋告成京漢鐵路大通故有鮮河鯉來鄂

也

人作江湖客

冰

蕭疏鬢髮更歲時惟記楚

鼎

夢錄每思

京稍稍嘗南食

冰

焚焚慨北盟窮山藍筆啟

鼎

馳道鐵

海碧

鼎張

鼎

難將鮪并衡馮螭耀神怪

充庖鄭饋生芳鮮等王

今誇柳嫂烹碎煩聃

魴腴病尾頰臭香

中原羨老儕

同將

地

尖殊越姓鬣

鼎

餅需關隴麥

冰

齋想嶺南橙嘉穴休探

丙

鼎

通郵孰塞庚

冰

鉞彈伸士氣

鼎

鬻慨察民情尸素

公廚愧

冰

烟波舊夢縈落英添夕饌

鼎

朔雁聽宵征旣

飽增蕭瑟

冰

周行樂蕩平

鼎

看君千里足刷夜到幽并

冰

壽易笏山方伯八十生辰

蚤年識面象房西

余與君爲同年然在徐琴舫學士象房橋西宅內始相識

碧玉春

祠手重攜擐甲勳名拋鼓角挂冠道術得刀圭厭求干

絹徵栽橘喜傍雙林飽杖藜五老山樓終日對祝君眉

壽與之齊

讀宋史

南人不相宋家傳自詡津橋警杜鵑辛苦李綱虞允文

文天祥陸秀夫輩追隨寒日到虞淵李綱閩人虞蜀人

人皆南人

讀白樂天以心感人人心歸樂府句

誠感人心心乃歸君臣後作末世自乖離豈知人感天

方感淚洒香山諷諭詩

讀史絕句三十一首

賈誼

遭逢聖主落江湖年少多才豈不祥自古孤根難獨任

堪嗟同姓楚蘭芳

漢文帝

救時黃老愧純王
款敵和親計不臧
北宋昭陵知此意
書生何用苦雌黃

陸賈

調和將相賴良媒
寶劍黃金捆載來
從此海南誇寶玉
使車爭指越王臺

司馬相如

傳遞琴心作上賓
吹噓賦手藉閹人
餘辜留藁言封禪
誤到唐元與宋眞

叔孫通

綿蕝恩恩帝改觀
兩生偏道百年難
不知禮樂扶開創
陋絕寒儒二寸冠

東方朔

上林苑與主人翁
正諫難言譎諫從
不到韓公憂鬼怪
誰知曼倩果猶龍

劉向

父矢忠良子黨新
五行七略卻無倫
傳家不獨遺經貴
恐有含飴瀹壯人

李商隱

芙蓉霧夕樂新知
牛李裴回史有辭
未卜郎君行馬貴
後賢應笑義山癡

揚雄

寂寞猖狂作亂臣
苦搜奇字美亡新
成都不少文章士
淺陋何緣動富人

馬武臧宮

講藝投戈閉玉門
燕然勒後弛邊屯
黃巾甫滅涼兵亂
從此胡塵洛下昏

房元齡杜如晦

笙磬無徵帝寵優
家聲並隕士林羞
當年參佐宏文館

多少功名出射鉤

房杜之子皆以反誅意有道家陰禍歟

唐明皇

正本安邊有大猷空談吏治免圍流

一作搜

請看安史蕃

回亂枉費

一作可惜

顏元典郡州

張九齡李德裕

流人遠惡盼還鄉甘露道誅到會昌賢相蕭條憐末路

贊皇李與曲江張

曲江建議謫官不得與善地武宗時劉稹平賈餗王涯親屬置潞府者皆誅

誅

李泌

衣白山人御輦乘重來仙翻困騫騰衡峰嵩室無緣住

歎惜何人悟懶僧

杜甫

稷契尋常便許身
忽儕孔跖等埃塵
雖高不切輕言語
論定文人有史臣

裴度

早定淮西晚薦賢
旁看闕禍午橋邊
汾淮泌贊無安枕
忍痛良臣學老聃

李吉甫

元和漸解武夫權
郡縣成書會計編
牛李宗閔紛紛攻
執政後來相業果誰賢

陳子昂宋之問

文人夸誕騁虛辭多少縉塵挽素絲伯玉幽貞孤竹詠
延清鯁直老松詩

白居易

海圖題詠見憂思浪攪天吳悔已遲亦有刑天精衛句
千秋獨誦白家詩

張九齡

辭達風清兩義均輕謙大練濟時臣微之浮豔荆公險
敢告衡文薦士人

陸贄

稽神說鬼費搜尋總是孤臣悄悄心爭似忠州方藥好
活人猶比狄公鉞

張文襄公詩集卷一百二十七終

安新陳賡虞校

公自光緒丙子冬由蜀還京作詩甚少自己卯至壬午
殫心國事有封奏四十餘件更無餘力爲詩壬午秋出
撫晉疆明年夏移督兩廣荏苒八年吟事都廢在粵時
僅有賀子青宮相子入學詩二首督鄂十八年自庚寅
至癸巳中間惟贈俄太子及希臘世子二律然係幕僚
擬作公稍潤飾之直至乙未自兩江還鄂始壹意爲詩
如憶蜀游十首憶嶺南草木詩十四首皆督楚時作卽
輓彭剛直詩亦在鄂補作也蓋公於詞章之學最深四
十以後內贊訐謨外修新政公忠體國不遑暇食詩學
捐棄幾二十年六十以後吏民相安新政畢舉乃復以

理詠自娛而識益練氣益蒼力益厚境地亦愈高愈深
以五北將詩與四生哀較以連珠詩與學署草木詩較
劃然如出兩手至光緒癸卯朝天以後諸作則杜陵徒
夔坡仙渡海有神無迹純任自然技也神乎嘆觀止矣
弟子增祥敬跋